



UNIVERSITÄTS-
BIBLIOTHEK
PADERBORN

Universitätsbibliothek Paderborn

Methodus Clara Et Facilis Vacandi Orationi mentali Atque Exercendi se cum fructu in præsentia Dei

Coloniæ Agrippinæ, 1687

Caput XLVI. De Janitore.

[urn:nbn:de:hbz:466:1-46004](https://nbn-resolving.org/urn:nbn:de:hbz:466:1-46004)

*Videndo charitatem pauperiorum ma-
jorem quàm plurimum opu-
lentiorum.*

“ Verissimè dixisti, Domine, Regnum cœ-
lorum esse minimorum, esseque divitibus
“ perdifficile illud obtinere, quoniam plus ni-
“ mio suis addicti facultatibus sunt.

“ Gratias ago tibi, quòd amorem a medi-
“ vitiarum abstuleris, quòdque contentus vi-
“ vam, quòd nihil habeam, veluti etiam nihil
“ unquam habere decrevi.

CAPUT XLVI.

De Janitore.

Monasterii janitor vicem refert Cherubini,
quem Deus constituit, ut custodiat adi-
tum Paradisi terrestris, cujus imago Religio
est, zelo igitur ac prudentiâ suâ inde arceat,
quidquid loci sanctitatem profanare, aut can-
dorem atque innocentiam inquilinorum vel
tantillum maculare posset: neque alios intro-
ducat, præter illos, qui inde queant proficere.
Superioris, veluti Dei in Monasterio Vicarii,
est cuncta pervidere, ac scire, qui ipsum ingre-
diantur aut egrediantur; ac quoniam per se-
ipsum portæ custodiendæ vacare non potest,
munus istud Religioso cuiquam, qui oculus illi
sit, & cui veluti sibi metipso confidat, deman-
det oportet.

Dici potest, esse ipsum veluti vigilantem
excubitorem in statione positum pro securi-
tate Monasterii totius, quod adversum salutis

ac perfectionis nostræ inimicorum insidias in illius fide ac prudentia acquiescit.

Constitutus ipse est, suâ ex parte, quantum quidem potest, ad Monasterii quietem ac silentium operam & industriam suam ut contribuat, loquendo ac respondendo extraneis, qui illuc adveniunt, quin interiorem requiem animorum collectionem, studium aut Regularitatem aliorum Religiosorum interturbent. Extranei illum ad Monasterii januam inventum, quid velint ipsi exponunt, ille verò redefert ad superiorem, indeque convenienti modo destiâ ac diligentia refert ad ipsos, quod de mandato ei fuerit responsum, ut bono se ipsis exemplo.

Officiî istius *perfectio* consistit in prudentia in debita erga superiorem fidelitate, atque in honesta gravitate. *Prudentia* in eo potissimum sita est, ut congruenter ac paucis verbis ad ea, quæ Extranei interrogaverint, respondeat, rationemque convenientem subjiciat, veluti sanctissimus Patriarcha Benedictus in Regula constituit, ubi ait: *Ad portam Monasterii ponatur senex sapiens, qui sciat accipere responsum & reddere.*

Fidelitatis ipsius est exactissimè observare atque observari facere Regulas sui officii, fideliter ad superiorem deferendo omnia, quæ ipsum scire debere ac velle non ignorat, cum hic ipsi veluti sibi metipsi confidat. Quod si inquam nescio cujuscunque hominis gratiam huic muneri suo deesset, in die Judicii omnino mali reus esset, quod inde Religioni evenisset suæque pœnas perfidiæ dare teneretur.

Gravitas nihilominus ipsi necessaria est, quam semper ab ætate si non habeat, moribus tamen præterat oportet. Modestus ipsius atque affabilis aditus egregiam totius communitatis speciem ac formam Extraneis designabit. Is enim mortalium mos est, ut integram communitatem unius intuitu metiantur. Visus serenitas, taciturnitas, pudore condecoratus aspectus ac paucis comprehensa responsa id efficiunt, ut familia esse sancta credatur universa.

Interius Exercitium.

Directio quotidie manere poterit esse ista:
 " Domine Deus meus, tu mihi istius sanctæ
 " domus commendasti custodiam, ad januam
 " illius instar fidelis excubitoris pro securita-
 " te, ac pro omnium Patrum ac Fratrum meo-
 " rum quiete ac tranquillitate ut agam vigilias.
 " Portam custodiam istius Paradisi terrestri-
 " in quo Religiosi in innocentia degunt, ut
 " meâ diligentia, & eorum, quæ à superiore
 " injuncta mihi fuerint, executione impediam,
 " ne quis eorum in viva & activa ad divinam
 " Majestatem tuam tendentia interrurberur.
 " Lubentissimo illis animo id obsequii exhi-
 " beo, dum illi orationi ac studiis incumbunt.
 " Hanc à te humillimè gratiam peto, ut isto
 " officio cum ædificatione, prudentiâ ac mo-
 " destiâ ad majorem tuam gloriam defungar.
 " Eandem te gratiam oro, Virgo sacratissima,
 " Mater mea Maria.

Actus.

Audiendo sonitum campanæ ad portam.

" En, inquiet, quo Deus me vocat, & continuo

Mm 2

absque

absque ulla interposita mora festinare jubet. „
Excubitor equidem & custos sum loci hujus „
sancti. Eamus visum, utrum adsint è no- „
stris, ut illos recipiamus, an ex alienis, ab illis „
ut caveamus. „

*Reperiendo illic pauperes stipem mendican- „
tes.* Illos magno cum amore intuebitur, dicens „
intra seipsum: Tu nobis, Domine, mandasti, „
te in persona tuorum ut pauperum confide- „
raremus. „

Si reperiat alterius cujuspiam Ordinis *Reli- „
giosos* aut *Sacerdotes*, in corde suo cum gau- „
dio dicet: Ingredimini, Dei nostri amici: „
Benedictionem Beatissimæ Virginis in do- „
mum inferte. „

Si quempiam *Secularium*, cui loqui debeat, „
statim ad Religiosam se componet modestiam, „
ista intra semet cogitando: Religioso vit- „
tutis huic homini præluceam exemplo oportet, „
ad majorem Dei gloriam, cujus sumus „
ministri, atque ad Religionis, quæ mater no- „
stra est, honorem. „

Eundo vocatum aliquem *Confessarium* in- „
tra semetipsum dicere poterit: Veni, mi Pa- „
ter, ut edas miraculum, veni ut per pecca- „
tum lethale mortuum vitæ restituas, aut sal- „
tem per veniale sauciatum ut sanes. „

Quando adit *Superiorem*, illi flexis, uti o- „
portet, genibus locuturus, cogitabit: En Chri- „
sti Jesu in cœnobio isto Vicarium, Illi cuncta „
sint nota oportet, ut de illis majori prudentiâ „
ac paternâ providentiâ disponat. Illius vox „
est, quæ meritum obedientiæ dum impertit, „
in periculis commercii cum *secularibus* secu- „
ritatem nobis affert. „

Eun-

